



33424


duvnp

III Mag. St. Dr.

P

Pacta inter Leopoldum Romanorum imperatorem
et Joannem III Poloniarum Regem.

Digitized by Google



JOANNES III.

Dei Gratia Rex Poloniae, Magnus Dux Lithuaniae, Russiae, Prussiae, Masoviae, Samogitiae, Livoniae, Smolensciae, Kijoviæ, Volhyniae, Podoliae, Podlachiae, Severiae, Czerniechoviaeque.

Universis & singulis Regni & Dominiorum Nostrorum annexarumque illi Provinciarum, cuiuscunque Status, Conditionis, Dignitatis & Praeminentiae Subditis Nostris presentibus literis significamus.

Quod cum inter primarias muneras Nostri Regii curas poneremus, ut post felicem, Electionem & Coronationem Nostram Fædera & Paœta, quæ inter Sac. Cæs. Majestatem Domumque Austriacam & Serenissimos Prædecessores Nostros antiquitus intercesserunt novis utrinque nexibus roborarentur, Populorumque tranquillitati & bonæ Vicinitatis cultui, quaque inde dependent, correspondentiarum & Commerciorum usui prospicere. Ideo Paœta eadem renovanda & confirmanda esse duximus: Prout renovamus & confirmamus. Quorum tenor sequitur ejusmodi.

NOS LEOPOLDUS, Divina favente Clementia, Electus Romanorum Imperator, semper Augustus, ac Germaniae, Hungariae, Bohemiae, Dalmaciae, Croatiæ, & Sclavoniae Rex, Archidux Austriae, Dux Burgundiæ, Brabantiae, Styriae, Carinthia, Carniolia, Marchio Moraviae, Dux Lutemburgiae, ac Superioris & Inferioris Silesiae, Wirtembergæ, & Teckæ, Princeps Sueviae. Comes Habsburgi, Tyrolis, Ferreti, Kyburgi, & Goritiæ, Landgravius Alsatiæ, Marchio Sacri Romani Imperii, Burgoviæ, ac Superioris & Inferioris Lusatiae, Dominus Marchiæ, Sclavonicæ, Portus Naonis & Salinarum, &c. &c.

ET NOS JOANNES III. DEI Gratia Rex Poloniae, Magnus Dux Lithuaniae, ac Russie, Prussiae, Masoviae, Samogitiae, Livoniae, Smolensciae, Kijoviæ, Volhyniae, Podoliæ, Podlachiae, Severiae, Czerniechoviaeque.

Tenore præsentium recognoscimus, ac notum facimus, universis & singulis, præsentibus, & futuris, harum notitiam habituris. Quandoquidem, qui Christi locum in terris gerunt, eos in hoc elaborare maxime decet, ut cuius locum obtinent, ejus vestigiis incident: Nos memoria tenentes, quod non aliunde potestas Nostra sit, quam ab eo, à quo Nomen dicimus, cuius appellatione censi volumus, Domino Nostro JESU Christo, qui, quos ipse Nobis subjecit populos, eos loco suo regere. Nos voluit, & gubernare; huc omnes curas, & cogitationes Nostras convertendas duximus, ut quatenus id humanitus præstari potest, adjuvante eo, cuius id solius munere contingit, quam proxime ad similitudinem ejus accederemus per quem Reges regnant, Principes imperant, & Potentes decernunt justitiam. Quoniam vero, non ille potentiam suam non sapientiam, sed eam solam, quâ societas hominum inter ipsos continetur, dilectionem, qua Nos prior ipse præter meritum ullum, prosecutus est, imitari voluit, ut sicut ipse dilexit Nos, ita & ipsi vicissim diligenterem invicem, ac pacem, concordiam, tranquillitatemque mutuam inter Nos conservaremus: Neque potest illi sacrificium ullum à mortalibus offerri gratius, quam sit fraterna charitas, inter unius corporis membra. Hanc illius dilectionem, qui nobis tot Civitates, tot Populos, lingvâ, moribus, habitu, inter se dissidentes, tot tam latè patentes Provincias, tot amplissima Regna subiecta esse voluit, præcipue pro virili Nostra imitandum esse duximus. Itaque cum inter recolendæ memoria Majores Nostros, jam inde à longissimo tempore, certamen amoris, benevolentiaeque mutuae, susceptum fuisse cognovissemus, cuius rei tanquam testes sunt paœtorum & Fæderum literæ, quæ inter Austriacam, & Jagellonicam Demos, quæque inter utriusq; Domus, Regna, Imperia, Provincias, Populos, & Na-

A

tiones



tiones, Nominatim verò, quæ inter quondam ALBERTUM Archiducem Austriæ , cum quondam CASIMIRO Poloniæ Rege, & Divum FRIDERICUM Imperatorem , cum eodem CASIMIRO Rege, postea verò etiam inter recolendæ memoriarum FERDINANDUM & MAXIMILIANUM Imperatores, cum itidem recolendæ memoriarum SIGISMUNDI AUGUSTO Rege, ac tandem inter RUDOLPHUM II. & successivè MATTIAM, nec non FERDINANDUM II. Imperatores, & quondam SIGISMUNDUM III. ac ULADISLAUM Serenissimos Poloniæ ac Sueciæ Reges, itidem præclarissimæ memoriarum, intercesserunt. Nos Majorum Nostrorum exemplo provocati, qui summam semper inter se necepsitudinem, & amicitiam conservare studebant, atq; eam arctis præterea Affinitatis vinculis fortius colligabant, quam ut dissolvi facile posset, ea nimur Paœta & Fædera, quæ inter præfatos Majores Nostros, quondam ALBERTUM Archiducem Austriæ, FRIDERICUM, FERDINANDUM, MAXIMILIANUM II. RUDOLPHUM II. & Matthiam, nec non FERDINANDUM II. Imperatores, præclarissimæ memoriarum, atq; CASIMIRUM, SIGISMUNDUM AUGUSTUM, & quondam SIGISMUNDUM III. ac ULADISLAUM observata fuerunt. Id quod fælix, faustum, & fortunatum Deus esse velit, utrique Nostrum, acutiusque Nostrum Imperiis, Regnis, Terris, Civitatibus, Populis, & Nationibus in Dei Opt. Max. nomine, à quo tanquam fonte perenni manat, quidquid bonarum est rerum, inter Nos quoque, & pro Nobis, & Successoribus Nostris, continuanda, confirmanda, instauranda, & renovanda, atque adeò declaranda, corroboranda, & amplificanda duximus, ita ut continuamus, confirmamus, instauramus, renovamus, declaramus, corroboramus, & amplificamus præsentium per tenorem. Ac primum quidem, sicut in literis quondam ALBERTI Archiducis præscriptum est. Nos omni honore, fide, & amore, invicem prosequi, & promovere debemus, & volumus, in locis omnibus, & temporibus, ubi Nobis id faciendi se, facultas obtulerit, citra dolum & fraudem aliquam, neq; committemus unquam, ut alter alteri, aut familiaribus ejus, Vasallis, & Subditis quibuscumque, Regnis, Ducatibus, Terris, & Civitatibus ei subiectis, & sub ejus obedientia & defensione constitutis, quacunque ex causa bellum inferamus, inimicitias denuntiemus, diffidemus, aut hostiliter eos impetamus, per Nos, aut submissas personas, fraude & dolo semotis. Ac non modo ipsi, ab ejusmodi rebus abstinebimus, verum etiam subditos Nostros, & quicunque in fide, potestateque Nostra sunt, eos prohibebim⁹, ac ab omni vi, modo superius descripto, temperare sibi cogemus. Habebunt etiam potestatem, homines Nostræ, cuiuscumque status & conditionis fuerint, in quibuscumque Terris, Dominiis, Civitatibus Nostris, & Nostræ obedientiæ subiectis, agendi & commorandi, atque inde etiam liberè & securè, cum illis visum fuerit, discedendi, Deinde, sicut etiam literis Divi FRIDERICI cautum est, ita Nos invicem uniendo, obligando, alligando, confæderando duximus, quemadmodum unimus, obligamus, promittimus, alligamus, confæderamus, præsentibus; quod ex hoc tempore ipso, perpetuo, realiter, & cum effectu invicem, & mutuo obligati, alligati, & confæderati simus & erimus, & inter Nos, & Subditos Nostros nec non Regna, Principatus, & Dominia, quæ nunc uterque Nostrum possidet, & quæ Deo concedente in futurum acquiremus, constans perpetua, indisolubilis, & Christiana pax esse, & servari debet, & debebit, & in omnibus utriusque Nostrum, honorem, dignitatem, statum, augmentum, concernentibus, & concernere valentibus, mutuo Nobis auxiliabimur, consilemus invicem, promovebimus, & assistemus, nec alteruter Nostrum, quidquam faciet, cupiet, pertractabit, aut molietur, quod contra alterutrum, Nostrum Regna, Principatus, Dominia, Subditos, honorem statum dignitatem, aut augmentum sit, seu esse aut tendere possit. Neque Nostrum alter alteri, ipsius Regnis Principatibus, Dominiis, & Subditis bellum, damnum, aut quodvis, aliud documentum inferet, nec à suis quovis quæsito colore inferri permittet, sed quilibet Nostrum, contra subditos suos, qui hujusmodi faciunt, aut facere, aut moliri vellent, totis viribus suis, & potentia, in Terris & Dominiis suis consurget, & eos, pro hujusmodi excessibus, pœnâ condignâ puniet, & castigabit, donec damnorum datorum, integrum compensationem, & refusionem facient. Præterea nullus Nostrum, ad alterius Regna, Principatus, & Dominia aspirare, aut

aut anhelare debet, nec alterius Nostrum Regna, Principatus, Dominia, & subditos, si quos, (quod Deus avertat) ab altero Nostrum deficere, recedere, aut rebellare, contingeret, contra alium, ejus Regna, Principatus, Dominia, & subditos suscipere, tenere, protegere, juvare, assistere, neque consulere, aut favore prosequi debet, neque a suis talia fieri patiatur, sed contra tales infideles unus alteri auxiliabitur, & assistet, atque Dominiis suis excludet. Si vero alter Nostrum ejus Regna, Principatus, aut subditi contra alterum ipsius subditos, Principatus aut Dominia actionem realem, seu personalem, Civilem seu criminalem, aut qualemcumque querelam habet, aut imposterum habuerit, si super ea non potuerimus, amicabiliter concordare, tum neque ipse neque subditi contra alterum, ipsiusque subditos, Regna, Principatus, & Dominia, quidquam via facti attentare, neque sibi ipsi jus dicere, aut ulcisci, sed super eo, jure, & non aliter experiri debent. Ceterum pro majore supra-scriptorum Fæderum declaratione, pro quo tranquilliore Subditorum nostrorum Statu, quiete, & bonæ Vicinitatis conservatione, & quo firmior inter Nos, Regna & Subditos Nostros, pax amicitia & benevolentia perpetuo constare queat; utque omnes dissidiorum causæ, quoad ejus fieri potest, præscindantur: ordinamus, statuimus, declaramus, & volvimus quod cum initio scriptum est, quod mutua Nobis invicem auxilia ferre debemus. Quomodo alter alteri auxilia ferre velimus, id in arbitrio utriusque Nostrum, & Ordinum Regnum nostrorum, positum esse debere, hoc tamen expresso, ut liceat utriusque Nostrum ex Terris & Provinciis alterius, Voluntarios milites, ære suo conductos, educere, & arma in usum suum exportare, Eatenuis tamen milites educere liceat, quatenus id sciente fiat, altero Nostrum, neque sit alteruter Nostrum bello suo proprio, contra hostes aliquos suos impeditus. Hostibus vero ne id liceat, neve favor ullus praestetur, qui alteri obesse possit, ita tamen, ut nedum juxta præscripta majorum nostrorum fædera, nullus Nostrum alteri, vel ipsius Regnis, Principatibus, Dominiis, & subditis bellum, damnum aut quodvis aliud nocentium inferre, sed neque alterius hostes aut Rebelles fovere, protegere, seu eis assistere, vel favorem, consilium, aut auxilium quovis modo præstare debeat.

Volumus præterea, vias, & flumina publica, nec non Commercia, & negotiationes, mutuas, per Regna, & Provincias Nostras, omnibus, & singulis Regnicolis, Provincialibus, & subditis Nostris: tam terra, quam aqua, utrinque libera esse, nec ullis unquam interdictis, arrestationibus, seu repressaliorum concessionibus impediri, sed utriusque Nostrum subditos, in alterius Regnis, & Dominiis, libero transitu, ac fide publica, quem salvum conductum vocant, non minus quam proprios cuiusque subditos gaudere, ut ac frui posse & debere. Neque denique cuiquam Nostrum, aut his, qui Nobis subditi sunt, querelas & actiones suas, si quæ jam sunt, vel futuris temporibus oboriantur, aliter quam mediante Jure prosequi liceat. Ut autem omnes vel protelatae, vel denegatae justitiae querelæ, tam inter Nos, quam subditos Nostros, hinc inde præcaveantur, sed cuique expeditum Jus, & Justitia summarie, & de plano administrari, ejusdemque debita executio, effectualiter obtineri valeat, Convenimus & concordavimus, quod si quis Nostrum vel unius Nostrum subditi, contra alterius unum, vel plures privatos subditos, actiones sive personales, sive reales, intentarent, tunc semper pars agens forum & judicium ipsius rei sequi debeat, Et quod in personalibus, injuriarum violentiarum, super spoliatione, seu similibus, Judex permissione subitarii Judicii, citra dilationem, & exceptionem admissionem, Actori forensi, de simplici & pleno justitiae complementum facere; In realibus vero, secundum unius cuiusque Ditionis consuetudinem, ita procedere teneatur, ut quilibet, citra dilationem, Justitiae executionem obtainere queat id quod per superioritates & Magistratus fideliter provideri & dirigi par est. Quod si alter Nostrum contra alterius Provinciam, vel Communitatem aliquam, vel vicissim Provincia, Communitas, vel privati subditi unius Nostrum, contra alterum ex Nobis, vel ejus Provinciam seu Communitatem, privatas actiones prætenderent, tunc causæ hujusmodicoram alterius Nostrum, sub quo pars rea dedit, Consiliariis, seu Commissariis, per eundem juxta partium conditionem, & causarum exigentiam, non minus septem numero designandis, summarie audiri, & vel amicabiliter componi, vel Jure mediante

diante determinari, & executioni demandari debeant. Porro si inter Nosmet ipsos Reges, seu forsan Regna & Provincias Nostras, tum metarum, & terminorum, tum commerciorum, seu quarumlibet aliarum, tam veterum, quam novarum causarum, Jurium, vel obligationum occasione, querelæ, gravamina, & controversiæ suborienteantur; tunc alter nostrum, qui vel cuius Regnum seu Provincia, Jus vel querelam prætendit, alium per Nuntios, vel literas suas, amicabiliter informare, ac pro tollendo, sarciendo, amovendoque gravamine, admonere & requirere debet. Quod si obtinere nequeat, tunc quilibet nostrum, statim intra duorum Mensium spatum à facta amicabili requisitione, tres Consiliarios suos e Proceribus Regnorum, Hungariæ, Bohemiæ, Moraviae, Silesia, & vel ex aliquibus harum, prout quodque negotium ad aliquam harum Provinciarum pertineat, vel etiam ex omnibus pro exigentia & gravitate negotii, ab una, Regnique Poloniae, & Magni Ducatus Lithuaniae, ab altera partibus, ad convenientem diem, & locum, per partem læsam, seu querulantem nominandum, semota omni excusatione mittere debeat. Qui utriusque nostrum Consiliarii Summam imprimis diligentiam adhibeant quo hujusmodi querelæ, gravamina, & controversiæ, inter Nos Regna, & Provincias Nostras amicabili compositione transigantur, eâ verò non succedent tunc læsa pars sive agens, coram prædictis sex Consiliariis, actionem suam, statim ipso die, juridice exhibendi potestatem habeat, idque duplicatis scripturis, quarum unam Consiliařii penes se retineant, aliam verò parti Reæ transmittant, Quo facto pars rea, responsum suum, etiam scriptis duplicatis sæpedictis Consiliariis vel ei, cui ex illis hoc demandatum fuerit, intra spatum proximorum duorum Mensium, à transmissio actionis libello, mittere teneatur, ut scilicet Actor Replicas, Reus verò duplicas suas, ac præterea utraque pars, tertiam quoque conclusionem, & submissivam scripturam, de bimestri, in bimestre, duplicatis, ut præfertur, scriptis, offerre queat, Eosane modo & ordine, utrique parti transmittendis, sicut de actionis libello demonstratum. Oblatis tandem successivè ab utraque parte duplicatis trinis scripturis, in quibus utrinque omnia Jura sua explicabunt, sex illi Commissarii partibus ad promulgandam sententiam, inter proximum sequens bimestre, diem, ad cum locum, ubi causa primo agi cœpit, indicent; quo loco, & tempore partes, per Procuratores suos, pleno mandato suffultos, comparere illicque & ipsi Consiliarii convenire, ac diligenter visis scriptis, & discussis actis totius cause, partes rursum ad concordiam & amicabilem compositionem invitare, & cohortari, nihilque in eo, operæ & diligentiae intermittere debeant, Quam si ne tunc quidem inter partes obtinere queant statim ad ferendam sententiam procedant, ac id quod Juris & Justitiae fuerit, cognoscant, & decernant. Quod si supradicti Consiliarii, de ferenda sententia, sive interlocutoria, sive definitiva fuerit, concordare non possint, tunc toties, quoties opus fuerit, arbitrum communi voce deligant, vel per quamlibet Consiliariorum Partem, duabus idoneis personis propositis, ex iisdem sorte constituant: cujus partes sint, huic Consiliariorum opinioni, quæ & Juri & æquitati magis consona videatur, subscribere, eandemque laudare & approbare. Quidquid autem per ipsos Consiliarios Nostros, seu maiorem eorum partem separatim, vel per eosdem, vel arbitrum, conjunctim Decretum, & pronuntiatum fuerit, id ratum firmumque maneat, ac statim debitæ demandetur executioni, remota omni plane appellatione, supplicatione, reductione, in integrum restitutione, aliisq; Juris beneficiis & remediis, etiam motu proprio concessis, obtentis, non obstantibus. Debent autem Consiliarii, per Nos pro tempore deputandi, nec non & arbiter ipse per Nos, & quantum ad quemlibet nostrum spectat, ab obedientiæ & Juramenti debito, ad eam causam tantum absolvit, ac pro administranda Justitia, novo consvetoque Juramento obstringit. Quod si pendente lite unus vel plures ex ipsis Consiliariis, mortem obirent, tunc in demortuorum locum, prout ad quemlibet nostrum pertinebit, alios semper surrogabimus. Ipsi quoque Consiliarii, non plures scripturas admittant, aut terminos alio modo, quam supra dictum est, prorogandi aut alterandi potestatem habeant, sed forma, & modo illis concessio procedant, excepto casu, quo partes, testes producere necesse haberent, tunc ipsi Consiliarii Jurisdictionem suam prorogandi potestatem habeant, tantisper donec testes ejus causæ

causæ consciæ, secundum Juris dispositionem, legitimè producti & auditæ fuerint, ita tamen ne ulla minus necessaria, prorogatio quæratur, vel admittatur, sed omnes testes ad unum diem, & terminum, quantum fieri potest, audiantur, à publicatis attestationibus, non nisi unica scriptura à qualibet Parte recipiatur. Proinde quo magis Regna, Principatus & Dominia Nostra, ab omni bellorum, deprædationum, latrociniorum, hostilitatisque periculo libera, secura, purgataque esse queant, Conventum inter Nos est, quod nullus nostrum alterius, seu Regnorum, Provinciarum, vel subditorum suorum diffidatores, hostes, homicidas, raptiores, seu damnificatores, nec non profugos cujuscunque conditionis sive Ecclesiasticos sive sacerdotes, item Rebelles subditos, quicunque in alterius nostrum, Regnis, & Ditionibus reperti, denuntiati, vel per Nosmet, aut Officiales Nostros per vestigati fuerint, nequaquam amplius sovere & asseturare, multo minus verò per subditos Nostros, ullo Hospitio, auxilio, sive receptione quoctunque prætextu, directè vel indirectè, publicè vel occultè recipere, juvare vel inter tenere debeat, sed ubicunque hujusmodi graftatores, raptiores, diffidatores, & damnificatores, ubilibet in præfatis Regnis & Ditionibus nostris deprehensi fuerint, contra eos, iussu Nostro & directione, atque accuratâ diligentia Officialium, utrobique parti læsæ, atque deferenti Justitia immediate atque irrecusabiliter permitti atque administrari, aut etiam citra partium requisitionem, de iis, ut communibus hostibus, à Capitaneis, & Magistratibus, ubicumque ex Officio inquire, insequiri, & pænaliter procedi debeat. Causa autem quò aliquis ex Officialibus, aut subditis nostris, propter receptionem, assurbationem vel defensionem antedictorum diffidatorum aut omissionem ante dictorum diffidatorum insecutionis, Captivationis, sive animadversonis scienter contravenerit in tales utrobique, sive delati à parte altera, sive alias verò simili suspicione deprehensi forent, Capitali supplicio irremissibili, debet animadvertisse.

Quod si alterius nostrum, unus vel plures Incolæ, vel subditi, alteri nostrum seu Regnis, & Dominiis nostris, generaliter, vel singularibus personis, Incolis, & subditis, privatim hostilitatem denunciaverint, tunc statim Præfectus, Capitaneus aut Officialis illius loci sive Districtus, cui Diffidatio indicta est, Generales, Præfectos, & Capitaneos Regnum, & Provinciarum, alterius nostrum, sub quo tales diffidatores degunt. Ea de re certiores reddere, ipsisque exemplar diffidatoriarum literarum transmittere debeat, Quo accepto, præfati Præfecti & Capitanei, diffidatores pro publicis hostibus judicare, promulgare, publicare, omnibusque & singulis Incolis, cujuscunque ordinis & conditionis extiterint, eorum consuetudinem interdicere, & ne à quoquam hospitio recipientur, aut consilio, auxilio sive re ulla alia juventur, prohibere & cadere, bonaque diffidantium applicare, Fisco, & Cameræ Regiæ, ac proinde in hospites, socios, consocios, & complices, pari quoque severitate animadvertere teneantur, ignorantiae excusatione universis penitus sublata. Quod si quispiam Præfectus, Capitaneus, aut Magistratus, in hujusmodi casibus subitam justitiam administrare cunctaretur, aut etiam alias ex Officio, inquisitione insecutione, & animadversione debita non procederet, tum tales nostræ punitioni immediatè obnoxii, & rei esse debeant. Ut autem præcipiuus diffidationum, & grassationum fons, quo hujusmodi latrocinia imprimis aluntur, è medio tollatur coercenturque licentia, & impunitas receptandi hostes, prædones, & diffidatores, serio inter Nos convenit, ut omnes promotores, detentores, receptatores, complices, dictorum facinorosorum hominum, qui vel notorietate facti, vel ex veraci dentitione spoliatorum, aut ex fuga Captivorum, (modo tales captivi, aut spoliati bonæ fidei, & integræ famæ sint) sive aliis tam manifestis indiciis ut ulteriori probatione res non egeat, convicti vel deprehensi forent, iidem citra ulteriore purgandi sui admissionem, & concessionem spoliatis & damnum passis, ad restitutionem & satisfactionem probabilium damnorum, de Bonis suis teneantur, aut si solvendo non sint, secundum qualitatem delicti, corpore luant. Quod si tales etiam patrati Criminis consciæ, vel complices essent, & ad illata damna, cædemque evidentem causam scienter præbuerint, iidem non tam parti ad restitutionem damnorum, ut jam præmissum est, teneantur, quam & superioritatis suæ cognitioni ad sumendum de eis pro modo delicti supplicium, ci-

tra evasionem subjaceant. Si verò aliqui receptatorum aut complicum non omnino manifestis Indiciis, nec apertis Captivorum Confessionibus, sed alias delati, & de tali facinore suspecti potius, quam convicti fuerint, contra tales, tam ex delatione damnicatorum, vel alterius superioritatis Officialium, quam ex Officio, per Capitaneos aut Magistratus ejus Regni, aut Ditionis, in qua fuerint, hac tamen conditione, differentia sive moderatione debet procedi, ut si forent Nobiles, aut possessionati Cives antehac in talibus non infamati neque illis prioribus Confessatis suspecti, tales in casu negationis, sese proprio eorum Juramento, coram supremo ejus ditionis Magistratu, publicè de hujusmodi infamacione exonerare, & purgare queant.


Si verò iidem anterius infamia, aut Confessorum præjudiciis notati, aut semimafestis forent, ita tamen, ut hujusmodi confessata, non omnimode certum facti Indicium præbere possent, tales etiam ad purgationem sui, medio Juramento, etiam tertia manu integræ famæ possessionatorum vicinorum, admitti, aut si in utroque casu, in purgatione sui defecerint, debitæ Capitis animadversioni subjici debeant. Quodsi quis ex Regnis & Provinciis Nostris, ausu temerario contra Jus & æquitatem, ac publica, mutuaque Regnum Nostrorum Fædera, in alterius Regna vel Ditionem, excursionem, & irruptionem ficeret atque ibi Mercatores, & vectores deprædaretur, aut detineret, homines occideret, vel abduceret, pecora abigeret, incendio sœviret, aut alio quovis modo damnum, & Injuriam inferret, & patrato nefario scelere, rursum se domum, vel cum præda securus, vel fugiens insequentium manus, in hospitia consveta & solita diverticula reciperet, tum in eo Regno Præfecti illius Territorii, vel districtus, & omnes incolæ, totaque vicinitas, mox ut à damnificatis & injuriatis seu quibusvis aliis hostem, prædonem & communium Fæderum violatorem in sequentibus commonefacti, evocatique extiterint, debeat læsis ferre, opem, adesse in armis, fortiter & graviter insequi, & inquirere noxios, & turbatores pacis publicæ & tranquillitatis. Etsi, sui tuendi causâ, in aliqua castra & Fortalitia, vel loca abdita, seu natura munita profugerint, acrius ac diligentius insistere, & ipsos & eorum hospites, socios, conscos, complicesque obsidere, oppugnare, & ita omnes ad dditionem urgeare, ad debitum supplicium trahere, & ad restitutionem, recompensationemque damnorum illatorum cogere teneantur. Si qui autem negligentiores, & remissiores in differendo offensis auxilio & in prosequendo hostes & damnificatores sese exhibuerint, hi sciant, se indignationem Nostram, & severam animadversionem irremissibiliter incurfuros esse. Si verò contingere, aut per subordinationem Superioritatis aut alios qui per damnificatos, atque diffidatos, contra præmissos damnificatores, diffidatores, malefactores, receptatores, aut complices captivandos, sive etiam jam tunc captivos, & convictos, in alterutrius Regnum, & ditionem, pro Imploratione Justitiæ mitti, iidem Imploratores non solum ad executionem Justitiæ, pro ratione delicti, cum omnibus in talis facto necessariis admitti, & provide ri, verum etiam tam in loco administrandæ Justitiæ, quam in redditu ad propria, omnimode tuti, atque assecurati esse debeant. Casu etiam quo in alterutrius Nostrum Regno, & ditione, aliquis ex Nobilibus aut aliis zelo honestatis, & studio suppressorum publicorum malefactorum, aut Jussu Magistratum, aut motu proprio, hujusmodi publicos prædones & grassatores insequeretur, idque sibi à quoquam, ut in honestum exprobraretur, talis exprobratio, nulli cuiuscunque status, illum honoris sui discrimen imminutionem, & præjudicium aliquod generare queat, sed exprobrator ad revocationem probri unâ cum aliquali Carceris punitione & restituzione impensarum cogi, atque læsum rogare debet, ut sibi talen injustam imputationem propter Deum remittere velit.

Cum denique Nostra Regnumque & Provinciarum Nostrarum, maximopore interficit, ut in Regnis, & Dominiis Nostris, bonam eandemque justam habeamus monetam, quamobrem pro bono communi, utrinque curabimus, & efficiemus, ne illegitima, prava, & reproba moneta, in Regnis, & Provinciis Nostris cudatur recipiaturque. Quod si hac ex parte, quæstio inter Nos incideret, agemus quantum opus fuerit, cum Ordinibus Regnum, Provinciarumque Nostrarum, atque eorum assensu, Commissarios Nostros utrinque deputa-

deputabimus, qui habita ratione communium Regnum, Provinciarumque Nostrarum
eas tentent, ineantque rationes, quibus vel eadem bonitate & valore; utrobique moneta
cudatur, vel diversarum monetarum, prout quævis vel melior, vel deterior reperta fuerit,
justum semper pretium, æstimatioque constituatur. Id quod de sale utriusque Nostrum in
alterius Regna & Provincias educendo, pariter cautum esse volunus; Quod si tamen hæ
res, vel altero vel utroq; casu, inter communes Nostros Commissarios transigi nequeant,
tunc salvum liberumque semper utrique Nostrum esse debere, & de moneta, & sale suo sta
tuendi, id quod cujusvis ac Regnum & Provinciarum suarum necessitas, utilitasque exe
gerit. Quæ omnia & singula matura Procerum & Consiliariorum Nostrorum deliberatio
ne prævia Nos Imperator LEOPOLDUS & Nos JOANNES Tertius pro Nobis & Suc
cessoribus Nostris acceptamus, approbamus, & Regia Nostra authoritate ratificamus per
præsentes: Promittentes in verbo Nostro Imperiali, & Regio, & bona fide, sub onere Ju
ramenti mediante præserta pactorum & Fæderum Capitula, in omnibus eorum punctis,
clausulis, conditionibus, & articulis firma, rata, & grata semper habituros, ac sanctè invic
labiliterque observaturos, nec non per Officiales & subditos Nostros, ac omnes quorum
interest, pariformiter observari & manuteneri curaturos dolo & fraude semotis. In quo
rum omnium robur, & evidens testimonium, Nos præfati Reges binas ejusdem tenoris li
teras manuum Nostrarum subscriptione, sigillorumque appensione munitas ac cuilibet No
strum alteras consignatas expediri fecimus. Datæ in Civitate Nostra Viennensi, & Arce
Regia Varsaviensi, Die Vigesima quarta Mensis Aprilis, Anno Domini Millesimo Sexcen
tesimo Septuagesimo Septimo, Regnum Nostrorum LEOPOLDI Imperatoris, Romani
decimo nono, Hungarici vigesimo secundo, & Bohemici vigesimo primo. Nostri verò
JOANNIS III. Poloniæ Tertio.


LEOPOLDUS.

JOANNES.



Quapropter mandamus omnibus & singulis, cujuscunque status conditionis & digni
tatis subditis Nostris, tam Dignitatibus & Officiis, quibuscumque publicis, in Regno Do
miniisque Nostris fungentibus, quam etiam privatis, ut præsertam Pactorum formu
lam, integrè & inviolabiliter observent; secundum præscriptum illius controversias ac
differentias quascunque definit, & sopian nullaque in re aut ipsi illi contraveniant, aut
contravenire aliis permittant, sub gravi indignatione & animadversione Nostra. In cu
jus rei fidem præsentes, Sigillo Regni Nostri communiri jussimus. Datum Varsaviæ
Die Mensis Anno Domino M DC LXXVII. Regni Nostri III.
Anno.

VARSAVIÆ, Typis Elertianis.



Biblioteka Jagiellońska



stdr0010406

